

欽定古今圖書集成明倫彙編官常典

第六十卷目錄

宗藩部列傳四

後漢一

齊武王續

泗水王欽

安城孝侯賜

成武孝侯順

弋陽侯國

城陽恭王祉

宜春侯匡

順陽懷侯嘉

東海恭王彊

楚王英

東平憲王蒼

廣陵思王荆

中山簡王焉

居巢侯般

齊場王石

臨邑侯復

趙孝王良

淄川王終

汝陰侯信

甘里侯敏

北海靖王興

齊哀王章

蔡陽侯平

穰侯茂

沛獻王輔

濟南安王康

阜陵質王延

臨淮公衡

琅邪孝王京

趙節王栩

下博侯張

平望侯毅

官常典第六十卷

宗藩部列傳四

後漢一

齊武王續

按後漢書本傳齊武王續字伯升光武之長兄也性剛毅慷慨有大節自王莽篡漢常憤憤懷復社稷之慮不事家人居業傾身破產交結天下雄俊莽未盜賊羣起南方尤甚伯升召諸豪傑計議曰王莽篡虐百姓分崩今枯旱連年兵革並起此亦天亡之時復高祖之業定萬世之秋也衆皆然之於是分遣親客使郡晨起新野光武與李通李軼起於宛伯升自發春陵子弟合七八千人部署賓客自稱柱天都部使宗室劉嘉往誘新市平林兵王匡陳牧等合軍而進屠長聚及唐子鄉殺湖陽尉進拔棘陽因欲攻宛至小長安與王莽前隊大夫甄阜屬正梁丘賜戰時天密霧漢軍大敗姊元弟仲皆遇害宗從死者數十人伯升復收會兵衆還保棘陽阜賜乘勝留輜重於藍鄉引精兵十萬南渡漢水臨沘水阻兩川間爲營絕後橋示無還心新市平林見漢兵數敗阜賜軍大至各欲解去伯升甚患之會下江兵五千餘人至宜秋乃往爲說合從之勢下江從之語在王常傳伯升於是大興軍士設盟約休卒三日分爲六部潛師夜起襲取藍鄉盡獲其輜重明日漢軍自西南攻甄阜下江兵自東南攻梁丘賜至食時賜陳潰阜軍望見散走漢兵急追之却迫漢水斬首溺死者二萬餘人遂斬阜賜王莽納言將軍嚴尤秩宗將軍陳茂聞阜賜軍敗引欲據宛伯升乃陳兵營衆焚積聚破釜

飢鼓行而前與九茂遇育陽下戰大破之斬首三千餘級九茂棄軍走伯升遂進圍宛自號柱天大將軍王莽素聞其名大震懼購伯升邑五萬戶黃金十萬斤位上公使長安中官署及天下鄉亭皆畫伯升像於塾旦起射之自阜賜死後百姓日有降者衆至十餘萬諸將會議立劉氏以從人望豪傑咸歸於伯升而新市平林將帥樂放縱憚伯升威明而貪聖公懼弱先其定策立之然後使騎召伯升示其議伯升曰諸將軍幸欲尊立宗室其德甚厚然愚鄙之見竊有未同今赤眉起青徐衆數十萬關南陽立宗室恐亦眉復有所立如此必將內爭今王莽未滅而宗室相攻是疑天下而自損權非所以破莽也且首兵唱號鮮有能遂陳勝項籍即其事也春陵去宛三百里耳未足爲功遽自尊立爲天下準的使後人得承吾敝非計之善者也今且稱王以號令若赤眉所立者賢相率而往從之若無所立破莽降赤眉然後舉尊號亦未晚也願各詳思之諸將多曰善將軍張卬拔劍擊地曰疑事無功今日之議不得有二衆皆從之聖公既即位拜伯升爲大司徒封漢信侯由是豪傑失望多不服平林後部攻新野不能下新野宰登城言曰得司徒劉公一信願先下及伯升軍至即開城門降五月伯升拔宛六月光武破王尋王邑自是兄弟威名益甚更始君臣不自安遂共謀誅伯升乃大會諸將以成其計更始取伯升寶劍視之繡衣御史申屠建隨獻玉珎更始竟不能發及罷會伯升舅樊宏謂伯升曰昔鴻門之會范增舉玦以示項羽今建此意得無不善乎伯升笑而不應初李軼諸事更始貴

欽定古今圖書集成明倫彙編官常典

第六十卷目錄

宗藩部列傳四

後漢一

齊武王續

泗水王欽

安城孝侯賜

成武孝侯順

弋陽侯國

城陽恭王祉

宜春侯匡

順陽懷侯嘉

東海恭王彊

楚王英

東平憲王蒼

廣陵思王荆

中山簡王焉

居巢侯般

齊場王石

臨邑侯復

趙孝王良

淄川王終

汝陰侯信

甘里侯敏

北海靖王興

齊哀王章

蔡陽侯平

穰侯茂

沛獻王輔

濟南安王康

阜陵質王延

臨淮公衡

琅邪孝王京

趙節王栩

下博侯張

平望侯毅

官常典第六十卷

宗藩部列傳四

後漢一

齊武王續

按後漢書本傳齊武王續字伯升光武之長兄也性剛毅慷慨有大節自王莽篡漢常憤憤懷復社稷之慮不事家人居業傾身破產交結天下雄俊莽未盜賊羣起南方尤甚伯升召諸豪傑計議曰王莽暴虐百姓分崩今枯旱連年兵革並起此亦天亡之時復高祖之業定萬世之秋也衆皆然之於是分遣親客使郡晨起新野光武與李通李軼起於宛伯升自發春陵子弟合七八千人部署賓客自稱柱天都部使宗室劉嘉往誘新市平林兵王匡陳牧等合軍而進屠長聚及唐子鄉殺湖陽尉進拔棘陽因欲攻宛至小長安與王莽前隊大夫甄阜屬正梁丘賜戰時天密霧漢軍大敗姊元弟仲皆遇害宗從死者數十人伯升復收會兵衆還保棘陽阜賜乘勝留輜重於藍鄉引精兵十萬南渡漢水臨沘水阻兩川間爲營絕後橋示無還心新市平林見漢兵數敗阜賜軍大至各欲解去伯升甚患之會下江兵五千餘人至宜秋乃往爲說合從之勢下江從之語在王常傳伯升於是大興軍士設盟約休卒三日分爲六部潛師夜起襲取藍鄉盡獲其輜重明日漢軍自西南攻甄阜下江兵自東南攻梁丘賜至食時賜陳潰阜軍望見散走漢兵急追之却迫漢水斬首溺死者二萬餘人遂斬阜賜王莽納言將軍嚴尤秩宗將軍陳茂聞阜賜軍敗引欲據宛伯升乃陳兵誓衆焚積聚破釜

慨鼓行而前與九茂遇育陽下戰大破之斬首三千餘級九茂棄軍走伯升遂進圍宛自號柱天大將軍王莽素聞其名大震懼購伯升邑五萬戶黃金十萬斤位上公使長安中官署及天下鄉亭皆畫伯升像於塾旦起射之自阜賜死後百姓日有降者衆至十餘萬諸將會議立劉氏以從人望豪傑咸歸於伯升而新市平林將帥樂放縱憚伯升威明而貪聖公懼弱先其定策立之然後使騎召伯升示其議伯升曰諸將軍幸欲尊立宗室其德甚厚然愚鄙之見竊有未同今赤眉起青徐衆數十萬關南陽立宗室恐亦眉復有所立如此必將內爭今王莽未滅而宗室相攻是疑天下而自損權非所以破莽也且首兵唱號鮮有能遂陳勝項籍即其事也春陵去宛三百里耳未足爲功遽自尊立爲天下準的使後人得承吾敝非計之善者也今且稱王以號令若赤眉所立者賢相率而往從之若無所立破莽降赤眉然後舉尊號亦未晚也願各詳思之諸將多曰善將軍張卬拔劍擊地曰疑事無功今日之議不得有二衆皆從之聖公既即位拜伯升爲大司徒封漢信侯由是豪傑失望多不服平林後部攻新野不能下新野宰登城言曰得司徒劉公一信願先下及伯升軍至即開城門降五月伯升拔宛六月光武破王尋王邑自是兄弟威名益甚更始君臣不自安遂共謀誅伯升乃大會諸將以成其計更始取伯升寶劍視之繡衣御史申屠建隨獻玉珎更始竟不能發及罷會伯升舅樊宏謂伯升曰昔鴻門之會范增舉玦以示項羽今建此意得無不善乎伯升笑而不應初李軼諸事更始貴

將光武深疑之常以戒伯升曰此人不可復信又不受伯升部將宗人劉稷數陷陳潰圍勇冠三軍時將兵擊魯陽聞更始立怒曰本起兵圖大事者伯升兄弟也今更始何為者耶更始君臣聞而心忌之以稷為抗威將軍稷不肯拜更始乃與諸將陳兵數千人先收稷將誅之伯升固爭李軼朱鮪因勸更始并執伯升即日害之有子建武二年立長子章為太原王與為魯王十一年徙章為齊王十五年追諡伯升為齊武王

趙孝王良

按後漢書本傳趙孝王良字次伯光武之叔父也平帝時舉孝廉為蕭令光武兄弟少孤良撫循甚篤及光武起兵以事告良大怒曰汝與伯升志操不同今家欲危亡而反其謀如是既而不得已從軍至小長安漢兵大敗良妻及二子皆被害更始立以良為國三老從入關更始敗良聞光武即位乃亡奔洛陽建武二年封良為廣陽王五年徙為趙王始就國十三年降為趙公頻歲來朝十七年薨於京師凡立十六年子節王桐嗣

泗水王欽 淄川王終

按後漢書本傳泗水王欽字經孫光武族父也欽子終與光武少相親愛漢兵起始及唐子終誘殺湖陽尉更始立欽從入關封為元氏王終為侍中更始敗欽終東奔洛陽建武二年立欽為泗水王終為淄川王十年欽薨封小子輝為堂谿侯奉欽後終居喪思慕哭泣二十餘日亦薨封長子柱為郎侯以奉終祀又封終子鳳為曲陽侯

安城孝侯賜 汝陰侯信

按後漢書本傳安城孝侯賜字子琴光武族兄也祖父利蒼梧太守賜少孤兄顯報怨殺人吏捕顯殺之賜與顯子信賣田宅同拋財產結客報吏皆亡命逃伏遭赦歸會伯升起兵乃隨從攻擊諸縣更始既立以賜為光祿勳封廣漢侯及伯升被害代為大司徒將兵討汝南未及平更始又以信為奮威大將軍代賜擊汝南賜與更始俱到洛陽更始欲令親近大將徇河北未知所使賜言諸家子獨有文叔可用大司馬朱鮪等以為不可更始狐疑賜深勸之乃拜光武行大司馬持節過河是日以賜為丞相令先入關修宗廟宮室還迎更始都長安封賜為宛王拜前大司馬使持節鎮撫關東二年春賜就國於宛典將六部兵後亦眉破更始賜所領六部亦稍散畔乃去宛保育陽聞光武即位乃西之武關迎更始妻子將詣洛陽帝嘉賜忠建武二年封為慎侯十三年更增戶邑定封為安城侯奉朝請以賜有恩信故親厚之數蒙燕私時幸其第恩賜特異賜輒賑與故舊無有遺積帝為營家堂起祠廟置吏卒如春陵孝侯二十八年卒子閔嗣三十年帝復封閔弟嵩為白牛侯坐楚事辭語相連國除閔卒子商嗣徙封為白牛侯商卒子昌嗣初信為更始討平汝南因封為汝陰王信遂將兵平定江南據豫章光武即位桂陽太守張隆擊破之信乃詣洛陽降以為汝陰侯永平十三年亦坐楚事國除

成武孝侯順

按後漢書本傳成武孝侯順字平仲光武族兄也父

慶春陵侯敞同產弟順與光武同里開少相厚更始即位以慶為燕王順為虎牙將軍會更始降亦眉慶為亂兵所殺順乃間行詣光武拜為南陽太守建武二年封成武侯邑戶最大租入倍宗室諸家八年使擊破六安賊因拜為六安太守數年帝欲徵之吏人上書請留十一年卒帝使使者迎喪親自臨弔子邈嗣坐與諸王交通降為端氏侯邈卒子邕嗣邕卒無嗣國除永平十年顯宗幸章陵追念舊恩封順弟子三人為鄉侯

甘里侯敏 弋陽侯國

按後漢書成武孝侯傳成武孝侯順光武族兄也順叔父弘娶於樊氏皇妣之從妹也生二子敏國與母隨更始在長安建武二年詣洛陽光武封敏為甘里侯國為弋陽侯敏通經有行永平初官至越騎校尉弘弟梁以俠氣聞更始元年起兵豫章欲徇江東自號就漢大將軍暴病卒

北海靖王興

按後漢書齊武王傳武王續二子建武二年立長子章為太原王與為魯王 按本傳北海靖王興建武二年封為魯王嗣光武兄仲初南頓君娶同郡婁重女字嫺都嫺都性婉順自為童女不正容服不出於房宗族敬焉生三男三女長男伯升次仲次光武長女黃次元次伯姬皇妣以初起兵時病卒宗人樊巨公收斂焉建武二年封黃為湖陽長公主伯姬為寧平長公主元與仲俱歿於小長安追爵元為新野長公主十五年追諡仲為魯哀王與其歲試守蘇氏令為人有明略善聽訟其得名稱遷弘農太守亦有善

政視事四年上疏乞骸骨徵還京師奉朝請二十七年始就國明年以魯國益東海故徙與爲北海王三十年封興子復爲臨邑侯中元二年又封興二子爲縣侯顯宗器重與每有異政輒乘驛問焉立三十九年薨子敬王睦嗣

城陽恭王祉

按後漢書本傳城陽恭王祉字巨伯光武族兄春陵康侯敞之子也敞曾祖父節侯買以長沙定王子封於零道之春陵鄉爲春陵侯買卒子載侯熊渠嗣熊渠卒子考侯仁嗣仁以春陵地狹下濕山林毒氣上書求減邑內徙元帝初元四年徙封南陽之白水鄉猶以春陵爲國名遂與從弟鉅鹿都尉回及宗族往家焉仁卒子敞嗣敞謙儉好義盡推父時金寶財產與昆弟荆州刺史上其義行拜廬江都尉歲餘會族兄安衆侯劉崇起兵王莽畏惡劉氏徵敞至長安免歸國先是平帝時敞與崇俱朝京師助祭明堂崇見莽將危漢室私謂敞曰安漢公擅國權羣臣莫不同從社稷傾覆至矣太后春秋高天子幼弱高皇帝所以分封子弟蓋爲此也敞心然之及崇事敗敞懼欲結援樹黨乃爲社娶高陵侯翟宣女爲妻會宣弟義起兵欲攻莽南陽捕殺宣女祉坐繫獄欲慰安宗室罪願率子弟宗族爲士卒先莽新居攝獄慰安宗室故不被刑誅及莽篡立劉氏爲侯者皆降稱子食孤卿祿後皆奪爵及敞卒祉遂特見廢又不得官爲吏祉以故侯嫡子行淳厚宗室皆敬之及光武起兵祉兄弟相率從軍前隊大夫甄阜盡收其家屬繫宛獄及漢兵敗小長安祉挺身還保棘陽甄阜盡殺其母

弟妻子更始立以祉爲太常將軍紹封春陵侯從西入關封爲定陶王別將擊破劉嬰於臨潁及更始降於赤眉祉乃間行亡奔洛陽是時宗室惟祉先至光武見之歡甚建武二年封爲城陽王賜乘輿御物車馬衣服追諡敞爲康侯十一年祉疾病上城陽王璽綬願以列侯奉先人祭祀帝自臨其疾祉薨年四十三諡曰恭王竟不之國葬於洛陽北芒

齊哀王章

按後漢書齊武王傳建武二年立齊武王攸長子章爲太原王章少孤光武感伯升功業不就撫育恩愛甚篤以其少貴欲令親吏事故使試守平陰令遷梁郡太守立二十一年薨諡曰哀王子殤王石嗣

宜春侯匡

按後漢書泗水王傳泗水王欽從父弟茂封模侯模侯茂弟匡亦與漢兵俱起建武三年封宜春侯爲人謙遜永平中爲宗正子浮嗣封朝陽侯浮弟尚永元中爲征西將軍浮傳國至孫護無子封絕

蔡陽侯平

按後漢書城陽恭王傳建武十三年封恭王祉嫡子平爲蔡陽侯以奉祉祀平弟堅爲高鄉侯初建武二年以皇祖皇帝墓爲昌陵置陵令守視後改爲章陵因以春陵爲章陵縣十八年立考侯康侯廟比園陵置高夫詔零陵郡奉祠節侯戴侯廟以四時及臘歲五祠焉置高夫佐吏各一人平後坐與諸王交通國除永平五年顯宗更封平爲竟陵侯平卒子眞嗣眞卒子禹嗣禹卒子嘉嗣

順陽懷侯嘉

按後漢書本傳順陽懷侯嘉字孝孫光武族兄也父

惠春陵侯敞同產弟嘉少孤性仁厚南頓君養視如子後與伯升俱學長安習尚書春秋及義兵起嘉隨更始征伐漢軍之敗小長安也嘉妻子遇害更始即位以爲偏將軍及攻破宛封與德侯遷大將軍擊延岑於冠軍降之更始既都長安以嘉爲漢中王扶威大將軍持節就國都於南鄭衆數十萬建武二年延岑復反攻漢中圍南鄭嘉兵敗走岑遂定漢中進兵武都爲更始柱功侯李寶所破岑走天水公孫述遣將侯丹取南鄭嘉收散卒得數萬人以寶爲相從武都南擊侯丹不利還軍河池下辨復與延岑連戰岑引北入散關至陳倉嘉追擊破之更始鄧王廖湛將赤眉十八萬攻嘉嘉與戰於谷口大破之嘉手殺湛遂到雲陽就殺李寶等聞鄧禹西征擁兵自守勸嘉且觀成敗光武聞之告禹曰孝孫素謹善少且親愛當是長安輕薄兒誤之耳禹即宣帝旨嘉乃因來歙詣禹於雲陽三年到洛陽從征伐拜爲千乘太守六年病上書乞骸骨徵詣京師十二年封爲順陽侯秋復封嘉子肅爲黃李侯十五年嘉卒子參嗣有罪削爲南鄉侯永平中參爲城門校尉參卒子循嗣循卒子章嗣

穰侯茂

按後漢書泗水王傳泗水王欽光武族父也欽從父弟茂年十八漢兵之起茂自號劉先職亦聚衆京密間稱厭新將軍攻下潁川汝南衆十餘萬人光武既至河內茂率衆降封爲中山王十三年宗室爲王者皆降爲侯更封茂爲穰侯

東海恭王彊

按後漢書光武十王列傳光武皇帝十一子郭皇后生東海恭王彊沛獻王輔濟南安王康阜陵質王延中山簡王焉許美人生楚王英光烈皇后生顯宗東平憲王蒼廣陵思王荆臨淮懷公衡琅邪孝王京按本傳東海恭王彊建武二年立母郭氏爲后彊爲皇太子十七年而郭后廢彊常感不自安數因左右及諸王陳其懇誠願備蕃國光武不忍違回者數歲乃許焉十九年封爲東海王二十八年就國帝以彊廢不以過去就有禮故優以大封兼食魯郡合二十九縣賜虎賁旄頭宮殿設鐘虡之縣擬於乘輿臨之國數上書讓還東海又因皇太子固辭帝不許深嘉歎之以彊章宣示公卿初魯恭王好宮室起靈光殿甚壯麗是時猶存故詔彊都魯中元元年入朝從封岱山因畱京師明年春帝崩冬歸國永平元年彊病顯宗遣中常侍鉤盾令將太醫乘驛視疾詔沛王輔濟南王康淮陽王延詣魯及薨臨命上疏謝曰臣蒙恩得備蕃輔特受二國宮室禮樂事事殊異巍巍無量訖無報稱而自脩不謹連年被疾爲朝廷憂念皇太后陛下哀憐臣彊感動發中數遣使者大醫令承方伎道術絡繹不絕臣伏惟厚恩不知所言臣內自省視氣力羸劣日夜浸困終不復望見闕庭奉承帷帳孤負重恩銜恨黃泉身既天命孤弱復爲皇太后陛下憂慮誠誠懇懇息政小人也猥當嬖臣後必非所以全利之也誠願還東海郡天恩愍哀以臣無男之故處臣三女小國侯此臣宿昔常計今天下新罹大憂惟陛下加供養皇太后數進御餐臣彊困

劣言不能盡意願並謝諸王不意永不復相見也天子覽書悲慟從太后出幸津門亭發哀使大司空持節護喪事大鴻臚副宗正將作大匠視喪事贈以殊禮升龍旆頭覽輅龍旂虎賁百人詔楚王英趙王栩北海王興館陶公主比陽公主及京師親戚四姓夫入小侯皆會葬帝追惟彊深執謙儉不欲厚葬以違其意於是特詔中常侍杜岑及東海傳相曰王恭謙好禮以德自終遺送之物務從約省衣足斂形茅車瓦器物減於制以彰王卓爾獨行之志將作大匠畱起陵廟彊立十八年年三十四子靖王政嗣

沛獻王輔

按後漢書本傳沛獻王輔建武十五年封右馮翊公十七年郭后廢爲中山太后故徙輔爲中山王并食常山郡二十年復徙封沛王時禁網尚疏諸王皆在京師競修名譽爭理四方賓客壽光侯劉鯉更始子也得幸於輔鯉怨劉盆子害其父因輔結客報殺盆子兄故式侯恭輔坐繫詔獄三日乃得出自是後諸王賓客多坐刑罰各循法度二十八年就國中元二年封輔子寶爲沛侯永平元年封寶弟嘉爲僮僕輔矜嚴有法度好經書善說京氏易孝經論語傳及圖讖作五經論時號之曰沛王通論在國謹節終始如一稱爲賢王顯宗敬重數加賞賜立四十六年薨子釐王定嗣

楚王英

按後漢書本傳楚王英以建武十五年封爲楚公十七年進爵爲王二十八年就國母許氏無寵故英國最貧小三十年以臨淮之取慮須昌二縣益楚國自

顯宗爲太子時英常獨歸附太子太子特親愛之及卽位數受賞賜永平元年特封英舅子許昌爲龍舒侯英少時好游俠交通賓客晚節更喜黃老學爲浮屠齋戒祭祀八年詔令天下死罪皆入緣贖英遣郎中令奉黃縑白紵三十匹詣國相曰託在蕃輔過惡累積歡喜天恩奉送緣帛以贖愆罪國相以聞詔報曰楚王誦黃老之微言尚浮屠之仁祠潔齋三月與神爲誓何嫌何疑富有悔吝其還贖以助伊蒲塞桑門之盛饌因以班示諸國中傳英後遂大交通方士作金龜玉鶴刻文字以爲符瑞十三年男子燕廣告英與漁陽王平顏忠等造作圖書有逆謀事下案驗有司奏英招聚姦猾造作圖書擅相官秩置諸侯王公將軍二千石大逆不道請誅之帝以親親不忍乃廢英徙丹陽涇縣賜湯沐邑五百戶遣大鴻臚持節護送使伎人奴婢工技鼓吹悉從得乘輜軒持兵弩行道射獵極意自娛男女爲侯主者食邑如故楚太后勿上璽綬畱住楚宮明年英至丹陽自殺立三十三年國除詔遣光祿大夫持節弔祠贈賜如法加賜列侯印綬以諸侯禮葬於涇道中黃門占護其妻子悉出楚官屬無辭語者制詔許太后曰國家始聞楚事幸其不然既知審實懷用悼灼庶欲宥全王身令保卒天年而王不念顧太后竟不自免此天命也無可奈何太后其保養幼弱勉彊飲食諸許願王富貴人情也已詔有司出其有謀者令安田宅於是封燕廣爲折姦侯楚獄遂至累年其辭語相連自京師親戚諸侯州郡豪傑及考案吏阿附相陷坐徙徙者以千數十五年帝幸彭城見許太后及英妻子於內殿

悲泣感動左右建初二年肅宗封英子楚侯種五弟皆爲列侯並不得置相臣吏人元和三年許太后薨復遣光祿大夫持節弔祠因留護喪事賜錢五百萬又遣謁者備王官屬迎英喪改葬彭城加王赤綬羽蓋華藻如嗣王儀追爵諡曰楚厲侯章和元年帝幸彭城見英夫人及六子厚加贈賜種後徙封陸侯卒子度嗣度卒子拘嗣傳國於後

濟南安王康

按後漢書本傳濟南安王康建武十五年封濟南公十七年進爵爲王二十八年就國三十年以平原之祝阿安德朝陽平昌臨陰重丘六縣益濟南國中元二年封康子德爲東武城侯康在國不循法度交通賓客其後人上書告康招來州郡姦猾漁陽顏忠劉子產等又多遺其繒帛案圖書謀議不軌事下考有司舉奏之顯宗以親親故不忍窮竟其事但削祝阿臨陰東朝陽安德西平昌五縣建初八年肅宗復還所削地康遂多施財貨大修宮室奴婢至千四百人廐馬千二百匹私田八百頃奢侈恣欲游觀無節永元初國傳何敞上疏諫康曰蓋聞諸侯之義制節謹度然後能保其社稷和其人民大王以骨肉之親享食茅土當施張政令明其典法出入進止宜有期度與馬臺隸應爲科品而今奴婢廐馬皆有千餘增無用之口以自蠶食宮婢閉隔失其天性感亂和氣又多起內第觸犯防禁費以巨萬而功猶未半夫文繁者質荒木勝者人亡皆非所以奉禮承上傳福無窮者也故楚作章華以凶吳興姑蘇而滅景公千駟民無稱焉今數游諸第晨夜無節又非所以遠防未然

臨深履薄之法也願大王修恭儉遵古制省奴婢之口減乘馬之數斥私田之富節游觀之宴以禮起居則敵乃敢安心自保惟大王深慮愚言康素敬重敵雖無所嫌悟然終不能改立五十九年薨子簡王錯嗣

東平憲王蒼

按後漢書本傳東平憲王蒼建武十五年封東平公十七年進爵爲王蒼少好經書雅有智思爲人美須頤要帶十圍顯宗甚愛重之及卽位拜爲驃騎將軍置長史掾史員四十人位在三公上永平元年封蒼子二人爲縣侯二年以東郡之壽張須昌山陽之南平陽東湖陵五縣益東平國是時中興三十餘年四方無虞蒼以天下化平宜修禮樂乃與公卿共議定南北郊冠冕車服制度及光武廟登歌八佾舞數語在禮樂典服志帝每巡狩蒼常留鎮侍衛皇太后四年春車駕近出觀覽城第尋聞當遂校獵河內蒼卽上書諫曰臣聞時令盛春農事不聚衆興功傳曰田獵不宿食飲不享出入不節則木不曲直此失春令者也臣知車駕今出從事從約省所過吏人諷誦甘棠之德雖然動不以禮非所以示四方也惟陛下因行田野循視稼穡消搖仿弭節而旋至秋冬乃振威靈整法駕備周衛設羽旄詩云抑抑威儀惟德之隅臣不勝憤懣伏自手書乞詣行在所極陳至誠帝覽奏卽還宮蒼在朝數載多所隆益而自以至親輔政聲望日重意不自安上疏歸職曰臣蒼疲羸特爲陛下慈恩覆護在家被教導之仁升朝蒙爵命之首制書褒美班之四海舉負薪之才升君子之器凡匹夫

一介尚不忘簞食之惠况臣居宰相之位同氣之親

故宜當暴骸膏野爲百僚先而愚頑之賈加以固疾誠羞負乘辱汗輔將之位將被詩人三百赤紱之刺今方域晏然要荒無傲將邇上德無爲之時也文官猶可併省武職尤不宜建昔案封有鼻不任以政誠由愛深不忍揚其過惡前事之不忘來事之師也自漢興以來宗室子弟無得在公卿位者惟陛下審覽虞帝優養母弟遵承舊典終卒厚恩乞上驃騎將軍印綬退就蕃國願蒙哀憐帝優詔不聽其後數陳乞辭甚懇切五年乃許還國而不聽上將軍印綬以驃騎長史爲東平太傅據爲中大夫令史爲王家郎加賜錢五千萬布十萬匹六年冬帝幸魯徵蒼從還京師明年皇太后崩既葬蒼乃歸國特賜宮人奴婢五百人布二十五萬匹及珍寶服御器物十一年蒼與諸王朝京師月餘還國帝臨送歸宮懷然懷思乃遣使手詔國中傳曰辭別之後獨坐不樂因就車歸伏軾而吟瞻望永懷實勞我心誦及采菽以增歡息曰者問東平王處家何等最樂王言爲善最樂其言甚大副是要腹矣今送列侯印十九枚諸王子年五歲已上能趨拜者皆令帶之十五年春行幸東平賜蒼錢千五百萬布四萬匹帝以所作光武本紀示蒼蒼因上光武受命中興顯帝甚善之以其文典雅特令校書郎賈逵爲之訓詁肅宗卽位尊重恩禮踰於前世諸王莫與爲比建初元年地震蒼上便宜其事畱中帝報書曰丙寅所上便宜三事朕親自覽讀反覆數周心開目明曠然發矇聞吏人事事亦有此言但明智淺短或謂儻是復慮爲非何者災異之降緣政

而見今改元之後年饑人流此朕之不德感應所致又冬春旱甚所被尤廣雖內用克責而不知所定得王深策快然意解詩不云乎未見君子憂心忡忡既見君子我心則降思惟嘉謀以次奉行冀蒙福應彰報至德特賜王錢五百萬後帝欲為原陵顯節陵起縣邑舊聞之遠上疏諫曰伏聞當為二陵起立郭邑臣前頗謂道路之言疑不審實近令從官古霸問涅陽主疾使還乃知詔書已下竊見光武皇帝躬履儉約之行深觀始終之分勤勤懇懇以葬制為言故營建陵地具稱古典詔曰無為山陵陵池裁令流水而已孝明皇帝大孝無違奉承貴行至於自所營創尤為儉省謙德之美於斯為盛臣愚以園邑之興始自疆秦古者丘隴且不欲其著明況築郭邑建都郭裁上違先帝聖心下造無益之功虛費國用動搖百姓非所以致和氣祈豐年也又以吉凶俗數言之亦不欲無故繕修丘墓有所興起考之古法則不合稽之時宜則違人求之吉凶復未見其福陛下履有虞之至性追祖廟之深思然懼左右過議以累聖心臣著誠傷二帝純德之美不暢於無窮也惟蒙哀寬帝從而止自是朝廷每有疑政輒驛使諮問若悉心以對皆見納用三年帝嘗衛士於南宮因從皇太后周行掖庭池閣乃問陰太后舊時器服愴然動容乃命留五時衣各一襲及常所御衣合五十篋餘悉分布諸王主及子孫在京師者各有差特賜著及琅邪王京書曰中大夫奉使親聞動靜慕之何已歲月驚過山陵浸遠孤心悽愴如何如何問衛士於南宮因閱視舊時衣物聞於師曰其物存其人亡不言哀而

哀自至信矣惟王孝友之德亦豈不然今送光烈皇后假綸帛巾各一及衣一篋可時奉瞻以慰凱風寒泉之思又欲令後生子孫得見先后衣服之製今魯國孔氏尚有仲尼車輿冠履明德盛者光靈遠也其光武皇帝器服中元二年已賦諸國故不復送并遺宛馬一匹血從前體上小孔中出嘗聞武帝歌天馬露赤汗今親見其然也頃反虜尚屯將帥在外憂念遑遑未有間寧願王寶精神加供養苦言至戒望之如渴六年冬蒼上疏求朝明年正月帝許之特賜裝錢千五百萬其餘諸王各十萬帝以蒼冒涉寒露遣謁者賜貂裘及大官食物珍果使大鴻臚實固持節郊迎帝乃親自循行邸第豫設帷牀其錢帛器物無不充備下詔曰禮云伯父歸寧乃國詩云叔父建爾元子敬之至也昔蕭相國加以不名優忠賢也况兼親尊者乎其沛濟南東平中山四王讓皆勿名蒼既至升殿乃拜天子親答之其後諸王入宮輒以華迎至省閣乃下蒼以受恩過禮情不自寧上疏辭曰臣聞貴有常尊賤有等威卑高列序上下以理陛下至德廣施慈愛骨肉既賜奉朝請咫尺天儀而親屈至尊降禮下臣每賜燕見輒與席改容中宮親拜事過典故臣惶怖戰慄誠不自安每會見跟蹤無所措置此非所以章示羣下安臣子也帝省奏歎息愈哀貴焉舊典諸王女皆封鄉主乃獨封蒼五女為縣公主三月大鴻臚奏遣諸王歸國帝特留蒼賜以祕書列傳圖道術祕方至八月飲酎畢有司復奏遣蒼乃許之手詔賜蒼曰骨肉天性誠不以遠近為親疎然數見顏名情重昔時念王久勞思得還休欲署大鴻臚

奏不忍下筆顧授小黃門中心戀戀惻然不能言於是車駕祖送流涕而訣復賜乘輿服御珍寶與馬錢布以億萬計蒼還國疾病帝馳遣名醫小黃門侍疾使者冠蓋不絕於道又置驛馬千里傳問起居明年正月薨詔告中傳封上蒼自建武以來章奏及所作書記賦頌七言別字歌詩並集覽焉遣大鴻臚持節五官中郎將副監喪及將作使者凡六人令四姓小侯諸國王主悉會詣東平奔喪賜錢前後一億布九萬匹及葬策曰惟建初八年三月己卯皇帝曰咨王不顯勤勞王室親受策命昭於前世出作蕃輔克慎明德率禮不越傳聞在下昊天不弔不報上仁俾屏余一人夙夜兢兢靡有所終今詔有司加賜輿輅乘馬龍旂九旒虎賁百人奉送王行匪我惡王其孰離之魂而有靈保茲寵榮嗚呼哀哉立四十五年子懷王忠嗣明年帝乃分東平國封忠弟尚為任城王餘五人為列侯忠立十一年薨子孝王敞嗣元和三年行東巡狩幸東平宮帝追感念蒼謂諸子曰思其人至其鄉其處在其人亡因泣下沾襟遂幸青陵為陳虎賁輅龍旂以章顯之祀以太牢親拜祠坐哭泣盡哀賜御劍於陵前初蒼歸國驛騎時吏丁牧周棚以蒼敬賢下士不忍去之遂為王家大夫數十年事祖及孫帝聞皆引見於前既慰其淹滯且欲揚蒼德美即皆擢拜議郎牧至齊相棚至上蔡令末元十年封蒼孫梁為陽亭侯敞弟六人為列侯敞喪母至孝國相陳珍上其行狀永寧元年鄧太后增邑五千戶又封蒼孫二人為亭侯敞立四十八年薨子頃王端嗣立四十七年薨子凱嗣立四十一年魏受禪

以爲崇德侯

按開府元龜東平王蒼上疏薦吳良顯宗以示公卿
曰前以事見良髮鬚皓然衣冠甚偉夫爲賢助國宰
相之職蕭何舉韓信設壇而拜不復考試今以良爲
議郎蒼又上書未薦名士左馮翊桓虞虛已禮下與
參政事

阜陵質王延

按後漢書本傳阜陵質王延建武十五年封淮陽公
十七年進爵爲王二十八年就國三十年以汝南之
長平西華新陽扶桑四縣益淮陽國延性驕奢而遇
下嚴烈末平中有上書告延與姬兄謝弁及姊館陶
主督駙馬都尉韓光招姦猾作圖讖祠祭祝詛事下
案驗光弁被殺解所連及死徙者甚衆有司奏請誅
延顯宗以延罪薄於楚王英故特加恩徙爲阜陵王
食二縣延既徙封數懷怨望建初中復有告延與子
男勛造逆謀者有司奏請檻車徵詣廷尉詔獄肅宗
下詔曰王前犯大逆罪惡尤深有同周之管蔡漢之
淮南經有正義律有明刑先帝不忍親親之恩枉屈
大法爲王受愆羣下莫不感焉今王曾莫悔悛悛心
不移逆謀內潰自于魴發誠非本朝之所樂聞朕惻
然傷心不忍致王於理今貶爵爲阜陵侯食一縣獲
斯辜者侯自取焉於戲誠哉教飭等罪勿驗使謁者
一人監護延國不得與吏人通章和元年行幸九江
賜延書與車駕會壽春帝見延及妻子愍然傷之乃
下詔曰昔周之爵封千有八百而姬姓居半者所以
植幹王室也朕南巡望淮海意在阜陵遂與侯相見
侯志意衰落形體非故贈省懷感以喜以悲今復侯

爲阜陵王增封四縣并前爲五縣以阜陵下濕徙都
壽春加賜錢千萬布萬匹安車一乘夫人諸子賞賜
各有差明年入朝立五十二年薨子燭王冲嗣

廣陵思王荆

按後漢書本傳廣陵思王荆建武十五年封山陽公
十七年進爵爲王荆性刻急隱害有才能而喜文法
光武崩大行在前殿荆哭不哀而作飛書封以方底
令蒼頭詐稱東海王疆舅大鴻臚郭况書與疆曰君
王無罪僕被斥廢而兄弟至有束縛入牢獄者太后
失職別守北宮及至年老遠斥居邊海內深痛觀者
鼻酸及太后尸柩在堂洛陽吏以次捕斬賓客至有
一家三尸伏堂者痛甚矣今天下有喪弓弩張設甚
備間梁松勅虎賁史曰吏有便宜見非勿有所拘封
侯難再得也郎官竊悲之爲王寒心累息今天下爭
欲思刻賊王以求功寧有量邪若歸并二國之衆可
聚百萬君王爲之主鼓行無前功易於太山破難子
輕於四馬載鴻毛此湯武之兵也今年軒轅星有白
氣星家及喜事者皆云白氣者喪軒轅女主之位又
太白前出西方至午兵當起又太子星色黑至辰日
極變赤失黑爲病赤爲兵王努力卒事高祖起亭長
陛下與白水何况於王陛下長子故副主哉上以求
天下事必舉下以雪除沉沒之恥報死母之讎精誠
所加金石爲開當爲秋霜無爲檻羊雖欲爲檻羊又
何可得乎竊見諸相工言王貴天子法也人主崩亡
閭閻之伍尚爲盜賊欲有所望何况王邪夫受命之
君天之所立不可謀也今新帝人之所置置者爲右
顯君主爲高祖陛下所志無爲扶蘇將聞叫呼天也

疆得書惶怖即執其使封書上之顯宗以荆母弟祕

其事遣荆出止河南宮時西羌反荆不得志冀天下
因羌驚動有變私迎能爲星者與謀議帝聞之乃徙
封荆廣陵王遣之國其後荆復呼相王謂曰我親類
先帝先帝三十得天下我今亦三十可起兵未相者
諸吏告之荆惶恐自繫獄帝復加恩不考極其事下
詔不得臣屬吏人唯食租如故使相中尉謹宿衛之
荆猶不改其後使巫祭祀祝詛有司舉奏請誅之荆
自殺立二十九年死帝憐傷之賜諡曰思王 按樊
宏傳宏子儵拜長水校尉封燕侯其後廣陵王荆有
罪帝以至親悼傷之詔儵與羽林監南陽任隴維理
其獄事竟奏請誅荆引見宣明殿帝怒曰諸卿以我
弟故欲誅之即我子卿等敢爾邪儵仰而對曰天下
高帝天下非陛下之天下也春秋之義君親無將將
而誅焉是以周公誅弟季友鳩兄經傳大之臣等以
荆屬託母弟陛下留聖心加憫隱故敢請耳如令陸
下子臣等專誅而已帝歎息良久儵益以此知名

臨淮公衡

按後漢書本傳臨淮公衡建武十五年立未及進爵
爲王而薨無子國除

中山簡王焉

按後漢書本傳中山簡王焉建武十五年封左馮翊
公十七年進爵爲王焉以郭太后少子故獨留京師
三十年徙封中山王永平二年冬諸王來會辟雍事
畢歸蕃詔焉與俱就國從以虎賁官騎焉上疏辭讓
顯宗報曰凡諸侯出境必備左右故夾谷之會司馬
以從今五國各官騎百人稱姬前行皆北軍胡騎便

兵善射以不空發中必決皆夫有文事必有武備所以重蕃職也王其勿辭帝以焉郭太后偏愛特加恩寵獨得往來京師十五年焉姬韓序有過焉殺之國相舉奏坐削安險縣元和中肅宗復以安險還中山立五十二年永元二年薨自中興至和帝時皇子始封薨者皆賻錢三千萬布二萬匹嗣王薨賻錢千萬布萬匹是時竇太后臨朝竇憲兄弟擅權太后及憲等東海出也故睦於焉而重於禮加賻錢一億詔濟南東海二王皆會太為修塚塋開神道平夷吏人家墓以千數作者萬餘人發常山鉅鹿塚郡柏黃賜鍾木三郡不能備復調餘州郡工徒及送致者數千人凡徵發協勦六州十八郡制度餘國莫及子夷王憲嗣

琅邪孝王京

按後漢書本傳琅邪孝王京建武十五年封琅邪公十七年進爵為王京性恭孝好經學顯宗尤愛幸賞賜恩寵殊豐莫與為比永平二年以太山之菴南武陽華東萊之昌陽廬鄉東牟六縣益琅邪五年乃就國光烈皇后崩帝悉以太后遺金寶財物賜京京都葛好修宮室窮極技巧殿館壁帶皆飾以金銀數上詩賦頌德帝嘉美下之史官京國中有城陽景王祠史人奉祠神數十言宮中多不便利京上書願徙宮開陽以華蓋南武陽厚丘贛榆五縣易東海之開陽臨沂肅宗許之立三十一年薨葬東海即丘廣平亭有詔割亭屬開陽子夷王宇嗣

居巢侯殷

按後漢書本傳居巢侯殷字伯典宣帝之元孫也宣

帝封子器於楚是為孝王王生思王衍衍生王紆紆生殷自壽至殷積累仁義世有名節而紆尤慈篤早失母同產弟原鄉侯平尚幼紆親自鞠養常與共臥起飲食及成人未嘗離左右平病卒紆哭泣嘔血數月亦及初紆裝主封因值上葬某位廢為庶人因家於彭城殷數歲而孤獨與母居王莽敗天下亂太夫人聞更始即位乃將殷俱奔長安會更始敗復與殷轉側兵革中西行上隴遂流至武威殷雖尚少而篤志修行誦不怠其母及諸舅以為身寄絕域死生未必不苦積若此數以曉殷殷猶不改其業建武八年隗囂敗河西始通殷即將家屬東至洛陽修經學於師門明年光武下詔封殷為菑丘侯奉孝王祀使就國後以國屬楚王徙封紆侯十九年行幸沛郡問郡中諸侯行能太守薦言殷束修至行為諸侯師帝聞而嘉之乃賜殷錢百萬緡二百匹二十年復與車駕會沛因從還洛陽賜殷什物留為侍祀侯永平九年以國屬沛徙封居巢侯復隨諸侯就國數年揚州刺史觀恂薦殷在國口無擇言行無怨惡宜蒙旌顯顯宗嘉之十年徵殷行執金吾事從至南陽還為朝侯明年兼屯騎校尉時五校官顯職閑而府寺寬敞輿服光寵伎巧畢給故多以宗室肺腑居之每行幸郡國殷常將長水胡騎從帝嘗欲置常平倉公卿議者多以為便殷對以常平倉外有利民之名而內實侵短百姓家有因緣為小民不能得其平置之不便帝乃止先是時下令禁民二業又以郡國牛疫通使區種增耕而史下檢結多失其實百姓患之殷上言郡國以官禁二業至有田者不得漁捕

今濱江湖郡率少蠶桑民資漁採以助口實且以冬春閑月不妨農事夫漁獵之利為田除害有助穀食無關二業也又郡國以牛疫水旱旱田多減故詔勅區種增進頃畝以為民也而吏舉度田欲令多前至於不種之處亦通為租可申勅刺史二千石務令實穀其有增加皆使與奪田同罪帝悉從之肅宗即位以為長樂少府建初二年遷宗止殷妻卒厚加贈賻及賜葬塋地於顯節陵下殷在位數言政事其收恤九族行義尤著時人稱之年六十建初三年卒子憲嗣位卒子重嗣

趙節王栩

按後漢書趙孝王傳孝王良建武十七年薨於京師子節王栩嗣建武三十年封栩二子為鄉侯建初二年復封栩十子為亭侯栩立四十年薨子項王商嗣

齊陽王石

按後漢書齊武王傳武王縝子章立二十一年薨諡曰哀王子陽王石嗣封建武二十七年石始就國三十年封石弟張為下博侯永平十四年封石二子為鄉侯石立二十四年薨子晃嗣

下博侯張

按後漢書齊武王傳武王縝子章諡哀王哀王子陽王石建武三十年封石弟張為下博侯下博侯張以善論議十六年與奉車都尉賈固等並出擊匈奴後進者多害其能數被譴訴建初中卒肅宗下詔褒揚之復封張子它人奉其祀

臨邑侯復

按後漢書北海靖王傳建武三十年封靖王興子復

爲臨邑侯臨邑侯復好學能文章永平中每有講學
事輒令復典掌焉與班固賈逵共述漢史傳毅等皆
宗事之復子駒駘及從兄平望侯毅並有才學永寧
中鄧太后召毅及駒駘入東觀與謁者僕射劉珍著
中興以下名臣列士傳駒駘又造賦頌書論凡四篇
按開府元龜平望侯毅北海敬王子也毅少有文辭
安帝時上漢德論十二篇時劉珍鄧耽尹兌馬融共
上書稱其美安帝嘉之

欽定古今圖書集成明倫彙編官常典

第六十一卷目錄

宗藩部列傳五

後漢二

千乘哀王建

彭城靖王恭

下邳惠王衍

淮陽頃王昞

東海靖王昞

北海哀王基

蕪湖侯晃

廣陵侯元壽

千乘貞王伉

濟北惠王壽

城陽懷王淑

趙頃王商

任城孝王尚

琅邪恭王壽

北海王威

中山夷王憲

常山靖王側

沛節王正

濟南簡王錯

常山靖王章

東海頃王肅

樂成王莢

任城貞王安

陳敬王羨

樂成靖王黨

梁節王暢

濟陰悼王長

北海敬王睦

琅邪夷王宇

荆侯剛

清河孝王慶

平春悼王全

河間孝王開

廣宗殤王萬歲

沛釐王定

阜陵殤王冲

齊惠王無忌

阜陵頃王魴

樂成釐王巡

樂安夷王寵

陳思王鈞

梁恭王堅

濟南孝王香

琅邪貞王尊

平原懷王勝

北海頃王普

沛孝王廣

廣川王常保

彭城孝王道

阜陵懷王恢

勃海孝王鴻

蠡吾侯翼

安平孝王得

下邳貞王成

濟南釐王顯

梁懷王匡

解渚亭侯淑

蒸鄉侯儉

阜陵節王代

河間惠王政

濟北釐王安國

彭城孝王和

濟北孝王次

平原王碩

陳愍王寵

東海懿王祗

琅邪順王容

任城王佗

甘陵王求

北地王詡

清河恭王延平

中山孝王弘

趙惠王乾

濟北節王登

陳頃王崇

琅邪安王據

任城節王崇

朝陽侯瓌

下邳愍王意

常山頃王儀

東海孝王臻

濟南悼王廣

清河王蒜

中山穆王暢

彭城頃王定

常山節王豹

阜陵恭王便親

勃海王悝

甘陵威王理

任城王博

甘陵獻王忠

博陵王珪

安平悼王理

官常典第六十一卷

宗藩部列傳五

後漢二

千乘哀王建

按後漢書孝明八王傳孝明皇帝九子賈貴人生章帝陰貴人生梁節王暢餘七王本書不載母氏按本傳千乘哀王建永平三年封明年薨年少無子國除

陳敬王羨

按後漢書本傳陳敬王羨永平三年封廣平王建初三年有司奏遣羨與鉅鹿王恭樂成王黨俱就國肅宗性篤愛不忍與諸王乖離遂留京師明年案輿地圖令諸國戶口皆等租入歲各八千萬羨博涉經書有威嚴與諸儒講論於白虎殿七年帝以廣平在北多有邊費乃徙羨為西平王分汝南八縣為國及帝崩遺詔徙封為陳王食淮南郡其年就國立三十七年薨子思王鈞嗣

彭城靖王恭

按後漢書本傳彭城靖王恭永平九年賜號靈壽王十五年封為鉅鹿王建初三年徙封江陵王改南郡為國元和二年三公上言江陵在京師正南不可以封乃徙為六安王以廬江郡為國肅宗崩遺詔徙封彭城王食楚郡其年就國恭敦厚威重舉動有節度吏人敬愛之永初六年封恭子阿奴為竹邑侯元初三年恭以事怒子醯醢自殺國相趙牧以狀上書自訟朝廷以其素著行義令考實無徵牧坐獄會赦

中山孝王弘

趙惠王乾

濟北節王登

陳頃王崇

琅邪安王據

任城節王崇

朝陽侯瓌

下邳愍王意

常山頃王儀

東海孝王臻

濟南悼王廣

清河王蒜

中山穆王暢

彭城頃王定

常山節王豹

阜陵恭王便親

勃海王悝

甘陵威王理

任城王博

甘陵獻王忠

博陵王珪

安平悼王理

免死恭立四十六年薨于考王道嗣

樂成靖王黨

按後漢書本傳樂成靖王黨永平九年賜號重嘉王十五年封樂成王黨聰慧善史書喜正文字與肅宗同年尤相親愛建初四年以清河之游觀津勃海之東光成平涿郡之中水饒陽安平南深澤八縣益樂成國及帝崩其年就國黨意刻不遵法度舊禁宮人出嫁不得適諸國有故掖庭技人哀置嫁為男子章初妻黨召哀置入宮與通初欲上書告之黨恐懼乃密賂哀置姊焦使殺初事發覺黨乃縊殺內侍三人以絕口語又取故中山簡王傳婢李羽生為小妻永元七年國相舉奏之和帝詔削東光郡二縣立二十五年薨于哀王崇嗣立二月薨無子國絕

下邳惠王衍

按後漢書本傳下邳惠王衍永平十五年封衍有容貌肅宗即位常在左右建初初冠詔賜衍師傳已下官屬金帛各有差四年以臨淮郡及九江之鍾離當塗東城歷陽全椒合十七縣益下邳國帝崩其年就國衍後病荒忽而太子叩有罪廢諸姬爭欲立子為嗣連上書相告言和帝憐之使彭城靖王恭至下邳正其嫡庶立子成為太子衍立五十四年薨于貞王成嗣

按東觀奏記和帝賜恭詔曰皇帝問彭城王始夏無恙蓋聞堯親九族萬國洽和書典之所美也下邳王被病沉滯之疾昏亂不明家用不寧姬妾適庶諸子分爭紛紛至今前太子叩頑凶失道陷於大辟是後諸子更相誣告迄今嫡嗣未知所定朕甚傷之惟王

與下邳王恩義至親正此國嗣非王而誰禮重嫡庶之序春秋之義大居正孔子曰惟仁者能好人能惡人貴仁者所好惡得其中也太子國之儲嗣可不慎歟王其差次下邳諸子可為太子者名上將及景風拜授印綬焉

梁節王暢

按後漢書本傳梁節王暢永平十五年封為汝南王母陰貴人有寵暢尤被愛幸國土租入倍於諸國肅宗立緣先帝之意賞賜恩寵甚篤建初二年封暢舅陰棠為西陵侯四年徙為梁王以陳留之鄆寧陵濟陰之薄單父己氏成武凡六縣益梁國帝崩其年就國暢性聰慧然少貴驕頗不遵法度歸國後數有惡夢從官十忌自言能使六丁善占夢暢數使卜筮又暢乳母王禮等因此自言能見鬼神事遂共占氣祠祭求福忌等詔媚云神言王當為天子暢心喜與相應答末元五年豫州刺史梁相舉奏暢不道考訊辭不服有司請徵暢詣廷尉詔獄和帝不許有司重奏除暢國徙九真帝不忍但削成武單父二縣暢慚懼上疏辭謝曰臣天性狂愚生在深宮長養傳母之手信惑左右之言及至歸國不知防禁從官侍史利臣財物焚惑臣暢臣暢無所昭見與相然諾不自知陷死罪以至考案肌懷心悸自悔無所復及自謂當即時伏誅魂魄去身分歸黃泉不意陛下聖德任法曲平不聽有司橫貸赦臣戰慄連月未敢自安上念以負先帝而令陛下為臣收汗天下誠無氣以息筋骨不相連臣暢知大貸不可再得自誓束身約妻子不敢復出入失繩墨不敢復有所橫費租入有餘乞

裁食睢陽殺孰虞蒙寧陵五縣還餘所食四縣臣暢小妻三十七人其餘所受虎賁官騎及諸工技鼓吹倉頭奴婢兵弩廐馬皆上還本署臣暢以骨肉近親亂聖化汚清流既得生活誠無心面目以因惡復居大宮食大國張官屬藏什物願陛下加大恩開臣自悔之門假臣遷善之路令天下知臣蒙恩得去死就生頗能自悔臣以公卿所奏臣罪惡詔書常置於前晝夜誦讀臣小人貪見明時不能即時自引惟陛下哀臣令得喘息漏刻若不聽許臣實無顏以久生下入黃泉無以見先帝此誠臣至心臣欲多還所受恐天恩不聽許節量所留於臣暢饒足詔報曰朕惟王至親之屬淳淑之美傳相不良不能防邪至令有司紛紛有言今王深思悔過端自克責朕惻然傷之志匪由於咎在彼小子一日克己復禮天下歸仁王其安心靜意茂率休德易不云乎一謙而四益小有言終吉強食自愛暢因讓章數上卒不許立二十七年薨于恭王堅嗣

淮陽頃王昞

按後漢書本傳淮陽頃王昞永平五年封常山王建初四年徙為淮陽王以汝南之新安西華益淮陽國立十六年薨未及立嗣永平二年和帝立昞小子側復為常山王奉嗣後

濟陰悼王長

按後漢書本傳濟陰悼王長永平十五年封建初四年以東郡之離狐陳留之長垣益濟陰國立十三年薨於京師無子國除

東海靖王政

按後漢書東海恭王傳恭王彊立十八年子靖王政嗣政淫欲薄行後中山簡王薨詣中山會葬私取簡王姬徐妃又盜迎掖庭出女豫州刺史魯相奏請誅政有詔制薛縣立四十四年薨子項王肅嗣

北海敬王睦

按後漢書北海靖王傳靖王興立三十九年薨子敬王睦嗣睦少好學博通書傳尤武愛之數被延納顯宗之在東宮尤見幸待人待諷誦出則執轡中興初禁網尚開而睦性謙恭好士千里交結自名儒宿德莫不造門由是聲價益廣未平中法憲頗峻睦乃謝絕賓客放心音樂然性好讀書常爲愛翫歲終遣中大夫奉璧朝賀名而謂之曰朝廷設問寡人大夫將何辭以對使者曰大王忠孝慈仁敬賢樂士臣雖螻蟻敢不以實睦曰吁子危哉此乃孤幼時進趣之行也大夫其對以孤襲爵以來志意衰情聲色是娛大馬是好使者受命而行其能屈伸若此初靖王薨悉推財產與諸弟雖王車服珍寶非列侯制皆以爲分然後隨以金帛贖之睦能屬文作春秋旨義終始論及賦頌數十篇又善史書當世以爲楷則及寢病帝驛馬令作草書尺牘十首立十年薨子哀王基嗣

北海哀王基

按後漢書北海靖王傳靖王興子敬王睦睦立十年薨子哀王基嗣基未平十八年封基二弟爲縣侯二弟爲鄉侯建初二年又封基弟毅爲平望侯基立十四年薨無子肅宗憐之不除其國

琅邪夷王宇

按後漢書琅邪孝王傳孝王京立三十一年薨子夷王宇嗣建初七年封宇弟十三人爲列侯元和元年封孝王孫二人爲列侯宇立二十年薨子恭王壽嗣

蕪湖侯晃 利侯剛

按後漢書齊武王傳武王續子章諡哀王哀王子煬王石末平十四年封石二子爲鄉侯石薨子晃嗣晃及弟利侯剛與母太姬宗更相誣告章和元年有司奏請免晃剛爵爲庶人徙丹陽帝不忍下詔曰朕聞人君正屏有所不聽宗尊爲小君宮衛周備出有輜輶之飾人有牖戶之固始不至知謗者之言晃剛愆乎至行濁乎大倫甫刑三千莫大不孝朕不忍置之於理其貶晃爵爲蕪湖侯削剛戶三千於戲小子不助大道控於法理以墜宗緒其遺謁者收晃及太姬璽綬晃立十七年而降爵晃卒子無忌嗣帝以伯升首創大業而後嗣罪廢心常愍之時北海亦絕無後及崩遺詔復二國

廣陵侯元壽

按後漢書廣陵思王傳十四年封思王荆子元壽爲廣陵侯服王璽綬食荊故國六縣又封元壽弟三人爲鄉侯明年帝東巡狩徵元壽兄弟會東平宮班賜御服器物又取皇子與馬悉以與之建初七年肅宗詔元壽兄弟與諸王俱朝京師元壽卒子商嗣商卒子條嗣傳國於後

清河孝王慶

按後漢書章帝八王傳孝章皇帝八子宋貴人生清河孝王慶梁貴人生和帝申貴人生濟北惠王壽河間孝王開四王不載母氏 按本傳清河孝王慶母

宋貴人貴人宋昌八世孫扶風平陵人也父揚以恭孝稱於鄉閭不應州郡之命揚姑即明德馬后之外祖母也馬后聞揚二女皆有才色迎而訓之宋平木選入太子宮甚有寵肅宗即位並爲貴人建初三年大貴人生慶明年立爲皇太子徵揚爲議郎褒賜甚渥貴人長於人事供奉長樂官身執饋饌太后憐之太后崩後寶皇后寵盛以貴人姊妹並幸慶爲太子心內惡之與母比陽主謀陷宋氏外令兄弟求其纖過內使御者偵伺得失後於掖庭門邀遮得貴人書云病思生薨令家求之因誣言欲作蠱道詛以冤爲厭勝之術日夜毀謗貴人母子遂漸見疏慶出居承祿觀數月實后諷掖庭令誣奏前事請加驗實七年帝遂廢太子慶而立皇太子肇肇梁貴人子也乃下詔曰皇太子有失惑無常之性爰自孩乳至今益章恐襲其母凶惡之風不可以奉宗廟爲天下主大義滅親况降退乎今廢慶爲清河王皇子肇保育皇后承訓懷祖導達善性將成其器蓋庶子慈母尚有終身之恩豈若嫡后事正義明哉今以肇爲皇太子遂出貴人姊妹置內舍使小黃門蔡倫考實之皆承風旨傳致其事乃載送暴室二貴人同時飲藥自殺帝猶傷之勅掖庭令葬於樊濯聚於是免揚歸本郡郡縣因事復捕繫之揚友人前懷令山陽張峻左馮翊沛國劉均等奔走解釋得以免罪揚失志憔悴卒於家慶時雖幼而知避嫌畏禍言不敢及宋氏帝更憐之勅皇后令衣服與太子齊等太子特親愛慶入則共室出則同與及太子即位是爲和帝待慶尤渥諸王莫得爲比常共議私事後慶以長別居內舍未

元四年帝移幸北宮章德殿講於白虎觀慶得入省宿止帝將誅竇氏欲得外戚傳澤左右不敢使乃令慶私從千乘王求夜獨內之又令慶傳語中常侍鄭眾求索故事及大將軍竇憲誅慶出居邸賜奴婢三百人與馬錢帛帷帳珍寶玩好充初其第又賜中傳以下至左右錢帛各有差慶多被病或時不安帝朝夕問訊進膳藥所以垂意甚備慶小心恭孝自以廢黜尤畏事慎法每朝謁陵廟常夜分嚴裝衣冠待明約勅官屬不得與諸王車騎競馳常以貴人葬禮有闕每竊感恨至四節伏臘輒祭於私室竇氏誅後始使乳母於城北遙祠及竇太后崩慶求上冢致哀帝許之詔太官四時給祭具慶垂涕曰生雖不獲供養終得奉祭祀私願足矣欲求作祠堂恐有自同恭懷梁后之嫌遂不敢言常泣向左右以為沒齒之恨後上言外祖母王年老遭憂病下土無醫藥願乞詣洛陽療疾於是詔宋氏悉歸京師除慶舅後蓋進等皆為郎十五年有司以日食陰盛奏遣諸王侯就國詔曰甲子之異貴由一人諸王幼稚早離復弱冠相育常有夢我凱風之哀選儒之恩知非國典且復須至冬從祠章陵詔假諸王羽林騎各四十人後中傳衛所私為賊盜千餘萬詔使案理之并責慶不舉之狀慶曰所以師傳之尊選自聖朝臣愚唯知言從事聽不其有所糾察帝嘉其對悉以所藏財賜慶及帝崩慶號泣前殿嘔血數升因以發病明年諸王就國鄧太后特聽清河王置中尉內史賜什物皆取乘輿上御以宋衍等並為清河中大夫慶到國下令寡人生於深宮長於朝廷仰恃明主垂拱受成既以

薄帖早離顧復屬遭大憂悲懷感傷蒙恩大國職惟藩輔新去京師憂心焚發夙夜屏營未知所立蓋聞智不獨理必須明賢今官屬並居爵任失得是均庶望上遵策成下免悔咎其糾督非枉明察典禁無令孤獲怠慢之罪焉鄧太后以賜帝禮抱遠慮不虞雷慶長子祐與嫡母耿姬居清河邸至秋帝崩立祐為嗣是為安帝太后使中黃門送耿姬歸國帝所生母左姬字小娥小娥姊字大娥健為人初伯父聖坐妖言伏誅家屬沒官二娥數歲入掖庭及長並有才色小娥善史書喜辭賦和帝賜諸王宮人因入清河第慶初聞其美實傳母以求之及後幸愛極盛姬妾莫比姊妹皆卒葬於京師慶立凡二十五年乃歸國其年病篤謂宋衍等曰清河邸薄欲乞骸骨於貴人家傍下棺而已朝廷大恩猶當應有祠室庶母子并食魂靈有所依庇死復何恨乃上書太后曰臣國土下澤願乞骸骨下從貴人於樊濯雖歿且不朽矣及今日目尚能言視冒昧十請命在呼吸願蒙哀憐遂薨年二十九道司空持節與宗正奉弔祭又使長樂謁者僕射中謁者二人副護喪事賜龍旂九旒虎賁百人儀比東海恭王太后使掖庭丞送左姬喪與王合葬廣丘子愨王虎威嗣永初元年太后封宋衍為盛鄉侯分清河為二國封慶少子常保為廣川王子女十一人皆為鄉公主食邑奉明年常保薨無子國除虎威立三年薨亦無子鄧太后復立樂安王寵子延平為清河王是為恭王

千乘貞王伉

按後漢書本傳千乘貞王伉建初四年封和帝即位

以伉長兄甚見尊禮立十五年薨子寵嗣

平春悼王全

按後漢書本傳平春悼王全以建初四年封其年薨葬於京師無子國除

濟北惠王壽

按後漢書本傳濟北惠王壽母申貴人潁川人也世吏二千石貴人年十三入掖庭壽以永元二年封分太山郡為國和帝遵肅宗故事兄弟皆南京師恩寵篤密有司請遣諸王歸藩不忍許之及帝崩乃就國末初元年鄧太后封壽舅申轉為新亭侯壽立三十二年薨自永初已後戎狄叛亂國用不足始封王薨減轉錢為千萬布萬匹嗣王薨轉錢五百萬布五千匹時惟壽最尊親特賜轉錢三千萬布三萬匹子節王登嗣

河間孝王開

按後漢書本傳河間孝王開以永元二年封分樂成勃海涿郡為國延平元年就國奉遵法度吏人敬之末寧元年鄧太后封開子翼為平原王奉懷王勝祀子德為安平王奉樂成王黨祀開立四十二年薨子惠王政嗣

城陽懷王淑

按後漢書本傳城陽懷王淑以永元二年分濟陰為國立五年薨葬於京師無子國除還并濟陰

廣宗殤王萬歲

按後漢書本傳廣宗殤王萬歲以永元五年封分鉅鹿為國其年薨葬於京師無子國除還并鉅鹿

趙頃王商

按後漢書趙孝王傳孝王良子節王栩立四十年
薨子頃王商嗣永元三年封商三弟為亭侯五年封
商四子為亭侯商立二十三年薨子靖王宏立十二
年薨子惠王乾嗣

沛釐王定

按後漢書沛獻王傳獻王輔立四十六年子釐王定
嗣元和二年封定弟十二人為鄉侯定立十一年薨
子節王正嗣

任城孝王尚

按後漢書本傳東平憲王蒼子懷王忠忠弟任城孝
王尚元和元年封食任城亢父樊三縣立十八年薨
子貞王安嗣

阜陵賜王冲

按後漢書阜陵質王傳質王延立五十一年薨子賜
王冲嗣永元二年下詔盡削除前班下延事冲立二
年薨無嗣和帝復封冲兄鮒是為頃王

琅邪恭王壽

按後漢書琅邪孝王傳孝王京子夷王字宇立二十
年薨子恭王壽嗣永初七年封壽弟八人為列侯立
十七年薨子貞王尊嗣

齊惠王無忌

按後漢書齊武王傳齊王晃貶爵為無湖侯卒子無
忌嗣帝以伯升首創大業而後嗣罪廢心常憾之及
崩遺詔復國永元二年乃復封無忌為齊王是為惠
王立五十二年薨子頃王喜嗣立五年薨子承嗣建
安十一年國除

北海王威

按後漢書北海靖王傳靖王興子敬王睦睦子哀王
基立十四年薨無子肅宗憐之不除其國永元二年
和帝封睦庶子斟鄉侯威為北海王奉睦後立七年
威以非睦子又坐誹謗檻車徵詣廷尉道自殺

阜陵頃王鮒

按後漢書阜陵質王傳賜王冲立二年薨無嗣和帝
復封冲兄鮒是為頃王永元八年封鮒弟十二人為
鄉亭侯鮒立三十年薨子懷王恢嗣

中山夷王憲

按後漢書中山簡王傳簡王焉立五十二年永元二
年薨子夷王憲嗣永元四年封憲弟十一人為列侯
憲立二十二年薨子孝王弘嗣

樂成釐王巡

按後漢書樂成靖王傳靖王黨立二十五年子哀王
崇嗣立二月薨無子國絕明年和帝立崇兄修侯巡
為樂成王是為釐王巡立十五年薨子隱王賓嗣立
八年薨無子國絕

常山賜王側

按後漢書淮陽頃王傳永元二年和帝立頃王躬小
子側復為常山王奉嗣後是為賜王側立十三年薨
父子皆未之國並葬京師側無子其月立兄防子侯
章為常山王

樂安夷王寵

按後漢書千乘貞王傳貞王伉立十五年薨子寵嗣
一名伏胡永元七年改國名樂安立二十八年薨是
為夷王父子薨於京師皆葬洛陽子鴻嗣

沛節王正

按後漢書沛獻王傳獻王輔子釐王定立十一年
薨子節王正嗣元興元年封正弟二人為縣侯正立
十四年薨子孝王廣嗣

陳思王鈞

按後漢書陳敬王傳敬王羨立三十七年薨子思王
鈞嗣鈞立多不法遂行天子大射禮性隱賊喜文法
國相二千石不與相得者輒除中之憎怨敬王夫人
李儀等永元十一年遂使客隗久殺儀家屬吏捕得
久繫長平獄鈞欲斷絕辭語復使結客募殺久事發
覺有司舉奏鈞坐削西華項新陽三縣十二年封鈞
六弟為列侯後鈞取掖庭出女李嬈為小妻復坐削
園宜祿扶溝三縣永初七年封敬王孫安國為耕亭
侯鈞立二十一年薨子懷王疎嗣疎立二年薨無子
國絕

濟南簡王錯

按後漢書濟南安王傳安王康立五十九年薨子簡
王錯嗣錯為太子時愛康鼓吹妓女宋閭使醫張仲
招之不得錯怒自以劍刺殺等國相舉奏有詔弗案
永元十一年封錯弟七人為列侯錯立六年薨子孝
王香嗣

梁恭王堅

按後漢書梁節王傳節王暢立二十七年薨子恭王
堅嗣永元十六年封堅弟二人為鄉亭侯堅立二十
六年薨子懷王匡嗣

常山靖王章

按後漢書淮陽頃王傳和帝立頃王躬小子側是為
賜王側無子和帝立側兄防子侯章為常山王和

常山靖王章

帝憐章早孤數加賞賜延平元年就國立二十五年
薨是為靖王子項王儀嗣

濟南孝王香

按後漢書濟南安王傳安王康子簡王錯錯立六年
薨子孝王香嗣永初二年封香弟四人為列侯香篤
行好經書初叔父篤有罪不得封西平昌侯昱坐法
失侯香乃上書分爵上封篤子九昱子嵩皆為列侯
香立二十年薨無子國絕

東海頃王肅

按後漢書東海恭王傳恭王彊子靖王政政立四十
四年子頃王肅嗣永元十六年封肅弟二十一人皆
為列侯肅性謙儉循恭王法度永初中以西羌未平
上錢二十萬元初復上謙萬匹以助國費鄧太后
下詔褒納為立二十三年薨子孝王孫嗣

琅邪貞王尊

按後漢書琅邪孝王傳孝王京子夷王宇宇子恭王
壽壽立十七年薨子貞王尊嗣延光二年封尊弟四
人為鄉侯尊立十八年薨子安王據嗣

樂成王長

按後漢書樂成靖王傳靖王黨子哀王崇立二月無
子國絕和帝立崇兄巡是為釐王子隱王賓立八年
薨無子國絕明年復立濟北惠王子長為樂成王長
到國數月驕淫不法愆過累積冀州刺史與國相舉
奏長罪至不道安帝詔曰長有觀其面而放逸其心
知陵廟至重承繼有禮不惟致敬之節肅穆之慎乃
敢擅損犧牲不備恭恭慢易大姬不震厥敬出入顛
覆風淫於家聘取人妻饋遺婢妾毀敗吏人專己因

暴怒罪莫大甚可恥也朕覽八辟之議不忍致之於
理其貶長爵為臨湖侯朕無則哲之明致簡統失序
罔以尉承大姬增懷永歎延光元年以河間孝王子
得嗣靖王後以樂成比廢絕改國曰安平

平原懷王勝

按後漢書本傳平原懷王勝和帝長子也不載母氏
少有痼疾延平元年封立八年薨葬於京師無子鄧
太后立樂安夷王寵子得為平原王奉勝後是為哀
王得立六年薨無子永寧元年太后又立河間王開
子都鄉侯翼為平原王嗣安帝廢之國除

任城貞王安

按後漢書任城孝王傳任城孝王尚立十八年子貞
王安嗣永元十四年封母弟福為桃鄉侯永初四年
封福弟元為當塗鄉侯安性輕易貪吝數徵服出入
游觀國中取官屬車馬刀劍下至衛七米肉皆不與
直元初六年國相行弘奏請廢之安帝不忍以一歲
租五分之一贖罪安立十九年薨子節王崇嗣

北海頃王普

按後漢書北海靖王傳靖王興子敬王睦睦子哀王
基基薨無子和帝封睦庶子威為北海王立七年徵
詣廷尉道自殺末初元年鄧太后復封睦孫壽侯
普為北海王是為頃王延光二年復封睦少子為亭
侯普立七年薨子恭王翼嗣立十四年薨子康王嗣
無後建安十一年國除

沛孝王廣

按後漢書沛獻王傳獻王輔子釐王定定子節王正
正立十四年薨子孝王廣立廣有固疾安帝詔廣祖

母周領王家事周明正有法禮漢安中薨順帝下詔
曰沛王祖母太夫人周秉心淑慎導王以仁使光祿
大夫贈以妃印綬廣立三十五年薨子幽王榮嗣榮
立二十年薨子孝王琮嗣琮薨子恭王曜嗣曜薨子
契嗣契受禪以為崇德侯

清河恭王延平 廣川王常保

按後漢書清河孝王傳孝王慶立二十五年歸國子
愍王虎威嗣永初元年太后分清河為二國封慶少
子常保為廣川王子女十一人皆為鄉公主食邑奉
明年常保薨無子國除鄧太后復立樂安王寵子延
平為清河王是為恭王立二十五年薨子恭嗣

中山孝王弘

按後漢書中山簡王傳簡王焉子夷王惠惠立二十
二年薨子孝王弘嗣永寧元年封弘二弟為亭侯弘
立二十八年薨子穆王暢嗣

彭城孝王道

按後漢書彭城靖王傳靖王恭立四十六年薨子考
王道嗣元初五年封道弟三人為鄉侯恭孫順為東
安亭侯道立二十八年薨子頃王項王定嗣

趙惠王乾

按後漢書趙孝王傳孝王良子節王栩栩子頃王商
商子靖王宏宏立十二年薨子惠王乾嗣元初五年
封乾二弟為亭侯是歲趙相奏乾居父喪私聘小妻
又白衣出司馬門坐削中丘縣時郎中南陽程堅素
有志行拜為乾傳堅輔以禮義乾改悔前過堅列上
復所削縣本初元年封乾一子為亭侯乾立四十八
年薨子懷王豫嗣豫薨子獻王叔嗣叔薨子珪嗣建

安十八年徙封博陵王立九年魏初以為崇德侯

早陵懷王恢

按後漢書早陵懷王傳質主延子鳩王冲無嗣和帝復封冲兄勛是為頃王立三十年薨子懷王恢嗣延光三年封恢兄弟五人為鄉亭侯恢立十年薨子節王代嗣

濟北節王登

按後漢書濟北惠王傳惠王壽立三十一年薨子節王登嗣封永寧元年封登弟五人為鄉侯皆別食太山邑登立十五年薨子哀王多嗣

勃海孝王鴻

按後漢書千乘貞王傳貞王伉薨子寵嗣改國名樂安立二十八年薨是為夷王子鴻嗣安帝崩始就國鴻生質帝質帝立梁太后下詔以樂安國土卑溼租委鮮薄改鴻封勃海王立二十六年薨是為孝王無子太后立桓帝弟蠡吾侯悝為勃海王奉鴻祀

陳項王崇

按後漢書陳敬王傳懷王竦薨無子國絕末寧元年立敬王子安壽亭侯崇為陳王是為頃王崇立五年薨子孝王承嗣承薨子愍王寵嗣

蠡吾侯翼

按後漢書河間孝王傳永寧元年鄧太后封孝王開子翼為平原王奉懷王勝祀 蠡吾侯翼元初六年鄧太后徵濟北河間王諸子詣京師奇翼美儀容故以為平原懷王後焉留在京師歲餘太后崩安帝乳母王聖與中常侍江京等譖鄧驩兄弟及翼云與中大夫趙王謀圖不軌聞觀神器懷大逆心貶為都鄉

侯遣歸河間翼於是謝賓客閉門自處永建五年父開上書願分蠡吾縣以封翼順帝從之翼卒子志嗣為大將軍梁冀所立是為桓帝梁太后詔追尊河間孝王為孝穆皇夫人趙氏曰孝穆后廟曰清廟陵曰樂成陵蠡吾先侯曰孝崇皇廟曰烈廟陵曰博陵皆置令丞使司徒持節奉策書璽綬祠以太牢尊翼夫人馬氏為孝崇博園貴人以涿郡之良鄉固安河間之蠡吾三縣為湯沐邑

琅邪安王據

按後漢書琅邪孝王傳孝王京子夷王字子恭王壽壽子貞王尊尊立十八年薨子安王據嗣永和五年封據弟三人為鄉侯據立四十七年薨子順王客嗣

安平孝王得

按後漢書樂成靖王傳安帝詔貶長爵為臨湖侯延光元年以河間孝王子得嗣靖王後以樂成比廢絕故改國曰安平是為安平孝王立三十年薨子續立中平元年黃巾賊起為所劫質囚於廣宗賊平復國其年秋坐不道被誅立三十四年國除

任城節王崇

按後漢書任城孝王傳孝王尚子貞王安安立十九年子節王崇嗣順帝時羌虜數反崇輒上錢帛佐邊費及帝崩復上錢三百萬助山陵用度朝廷嘉而不受立三十一年薨無子國絕

下邳貞王成

按後漢書下邳惠王傳惠王衍立五十四年薨子貞王成嗣末建元年封成兄二人及惠王孫二人皆為

列侯成立二年薨子愍王意嗣

朝陽侯瓌

按後漢書泗水王傳泗水王欽從父弟匡封宜春侯子浮嗣封朝陽侯浮孫護無子封絕延光中護從兄瓌與安帝乳母王聖女伯榮私通遂取伯榮為妻得紹護封為朝陽侯位侍中及王聖敗貶爵為亭侯

濟南釐王顯

按後漢書濟南安王傳安王康子簡王錯錯子孝王香香無子國絕永建元年順帝立錯次子阜陽侯顯為嗣是為釐王立三年薨子悼王廣嗣

下邳愍王意

按後漢書下邳惠王傳惠王衍子貞王成成立二年薨子愍王意嗣陽嘉元年封意弟八人為鄉亭侯中平元年意遣黃巾棄國走賊平復國數月薨立五十七年年九十子哀王宜嗣數月薨無子建安十一年國除

梁懷王匡

按後漢書梁節王傳節王暢子恭王堅堅立二十六年薨子懷王匡嗣永建二年封匡兄弟七人為鄉亭侯匡立十一年薨無子順帝封匡弟孝陽亭侯成為梁王是為夷王立二十九年薨子敬王元嗣立十六年薨子彌嗣立四十年魏受禪以為崇德侯

常山頃王儀

按後漢書淮陽頃王傳頃王昞子鳩王側無子立兄章為常山王二十五年薨是為靖王子頃王儀嗣末建二年封儀兄二人為亭侯儀立十七年薨子節王豹嗣